



www.BibleForChildren.org

Matiyui 26




Juyara dinya
"Sawita dawaai
dawaai dawaai
kajinnoji
Pari'ma'munne' naadera."
Dinya yadaapi "Wila
pwiyaana!" desavidaa'nyi
Anga Betaanina Jizaazai
wina. Anga saba Jizaazai
a'mwe baryari yidikaavakei
Lazaarazai mwaalakebe.

Sarevidaa'nyi yuyara nyina nyina yadaapi Maariyaa'
Lazaarazari ganyaabulaange' welivanadalya'
maarina yaka Jizaazari siviyaraari dingina . . .



. . . yaka gannya
mijata saaminyasi
yaalika yimwanna.
Welivananya sa'
wabatirinya naange'
yinike' purirya
naathiyangidaa'nyi
welivananya nawi'nya'
yavikaryadivisa'
Maariyaa' nigwia naanga mubakesi.
Dingina kya' anga yuneba
wabatirinya' winnyina.



Sagaa' gamire a'mwe ata yuyiraai sivilyiridaasi
pwaraalyara mwaaidivi' a'mwe gavei Yizikeriyotiyai
Juthaazai wo'nikei mwaaida "Kumi
wila yirakipi'de'na widima!"
daka sipizipiya Gotiyarine
tamira'divita
naangeraayawinna wina.




Mi'na wawaka yagaala widina kya' kumi yilaaya marina
yeva "Giminyina nigwia gizavaana!" widina ye'. Mi'na
widina kye' yawi'na "Kumi
Jizaazari wila yirakipi'de'na
nimi gara yideinyaka?"
Yawiraka kuna yawi'na ya'.



Jizaazai sara widakabaaibi'
mididisaraai sara yagila
Pari'ma'munne' yovirawakina yagi.
Tika munne kuna nadaapi Jizaazai
biretiya' maarina yaka Gotiyari "Su!
Yilaaya gimariwa," widina yaka
gunyina yaka mididivisaraavina
wijaavina yaka widina "Maarapiji
dinyila! Daza' nimiré
kilaakejikira."
Nabaai
waainiyavi
kaapivananya'
maarina yaka
Gotiyari "Su! Su!"



Nabaai waainiyavi kaapivananya'
maarina yaka Gotiyari "Su! Su!"
widina yaka sahwaravina wijaavina
yaka widina "Sarimi yuyaihi aalya
daza' dinyila! Sare' dare'nesi. Daza'
nimire tawe' wilmwagarikebwi ya'nesi.
A'mwe kwalaalyaraavire wagilya
marasi'nya'ne' nimire tawe'
yadimwawakinadesi. Gotiyai
nimire tawe'
bwalarade'
tinna wanganoji
wilmwagarikebwi
nebulya' dakadesi."



"Saaimoni! Saaimoni! Yithaa! Kayaa'nanyai Saataani sariminyi maarya'na mena widiwakeihilyi. Witiya asasi giridavalilivaidevaaibi' yijiwaalya'neihiri walayihivapalakadeihilyira. Sare kiri' Gotiyari giminyina dara yidaangamweiginyi 'Saaimonimire diraginna limwagasabwi mimaananna!' Sareigi niminyina ayina ginyima'naawa'gizi ba'giziyaigi gimijiya ja'mweraavi jivaimwadeiginyira."



Sara widina kya' sai widina "Naangeigi, gimiji kalavuzangevina ye'mwannigwiya'naji gimiji ye'mwannabalya'naji mena yawima'niweinyira."


Sara widina kya' sai widina "Pitaigi githivanige. Sawita dathariki yirikunyagaa' kukuraayai jaka majadoriyagaa'na dahasaai dahaa' 'Jizaazari mwanganyainyira,' duthatheiginyira."



Sagaa' kwaaka pimaginya
Gazamani Jizaazai kumiji
ye'mwanniguna yaka
mididivisaraavi widina
"Dava dalamwaalyila!
Mwaaidapi kengimaginna
wawa'muji Gotiyari widima!"
Tataai, Nimwai,
diraginaangeigi, yuya
nayaa yinneiginyra.
'Daanga nuvinadika!
Sabwi marasi'nima!' diza'
dimarasi'na! Kiri' simunya
nimireburidaasi minnera!
Aawa. Ginnyaburidaasi ja!"



Sarevidaa'nyi sai wawinya sawinna wina. Nabaai aawilasaraji Gotiyare Angevine dameraji kwara kaanna wina ye'. Gotiyarina mubithika yira'divita naangeraji Periziyaraji sara aawilasaraaviji dameraaviji widasaawina. Widasaawina kye' kumire kwaari'masiraminya kilika maarina yeva laamuyaji yi'baaka livamakuna. Livamakuna yesaraavina Juthaazai Jizaazaryawinna yibwaramakuna.



Dina kye' gamire pwai Gotiyarina Mubithika Yira'de
Naangere widaayaderi mala yarai tamina yaka kadika
aangasimaginyi' yuna daku'na kya' bwalaraawina.


Sare savi Jizaazai tinna wanganaka

ja'nawidina "Sabwi mipina!"

Sara widaka a'mwe dazare
kadikikyaba ata dathiwanna

yina yaka a'mweri ayina
tewaanya

pada'galawimwaaihina.



Sari galalimwanna yeva makuna. Gotiyarina Yira'de Naangere angevina makwina. Sagaa' Pitai kwalyi midinna yake kwai kiri' menyaba sangiri' mwaalina. Angwirika byarihwinaakevi dike' yira'na yeva mwaihulina. Sara mwaaidapiyaba dividaa'nyi Pitai walaja' nagaimwaaina.



Saba Gotiyarina Yira'de
Naangere yaasiwa'
wawinya pwai mwaalina.
Pitai a'mwere kadikiki
yuna daku'na
gamijiyarajiyai mwaalina.
Sai mwaalina yaka widina
"Wawinyavi salyiaiginyi
tinna magwanganyijiwa?"
Sarevidaa'nyi Pitai kwaasi ayina
widina "Aawa." Widina yakegaa'
yime'nya'bi' kukuraayai jaka dina ya'.
Sara yawi'na yaka
mwasilaanna walyuna yaka
kinna walyadina.




A'mwe yuyara daavina yeva gaminyi
maarina yeva Paailatimyabanna
makuna. Widina kye' Paailati sahwar
yidaanganna "Gimi Juyaraavire
kingiyaigi daaka?" Widina
kya' Paailatimi
ja'nawidina "Gimi saigi
sara diwaanya' sahirisira."
Jaka sara kade' Paailati
"Jizaazari widaaside'nana,"

yawiraka ayina jaka widina.
Sara yadaa'nyi jaka widina ye'
"Maara'gizi yisaviri jeramo!
Yisaviri jeramo!"



Sarevida'a'nyi sagaa' Paailati "Sari
yisaviri niliya tabika!" daka
wimwangimwaaihina ya'. Sarevida'a'nyi
aawilasara yisawa' Jizaazari wimaarina
yeva Jizaazari makwalyuna.


Jizaazari makwalyuna yadivi' sai
gannya yisawa' yikwa'na yaka
Gileminyaginyaba wo'nikewinna
makuna. Saba Yiviruyagaalya'
Golihota wo'nikesi.



Makuna kya' aawilasara yita saviri niliya
tamina. Nabaai, yisawaariri a'mwe
pwaraari niliya tamina yesaraalyi.

Jizaazare aangasimagi
pwari niliya tamina,
kwanaamimagi
pwari niliya
tamina.

Tinnyaba Jizaazai.



Yirike' yimaanyina yaka dividaa'nyi Gotiyare Angeviya
kwaabiyivita naange' jiki'nadaa'di'nyiya janne sa'
yuneba kayaaka lihi'na yina yaka pivakaai yima'nyina.

Sagaasagaa' Jizaazai


jaka naanga diraginna widina

"Nimwai nimire kuryai gimire

asiri gwakiwana." Sai sara

widina yaka gannya

kuryari yaasina.



Bina yakei a'mwe tewaanyai Kaajoliyai
sagaa' Gotiyai Kwaaka yuyavaki
maremwaaidehaa'na kave
yemwaalakelyi. Jizaazai
balakegaa' Piraaidehaa'
Jozepiyai
"Kwazaakegaa'
gilaayai enana
naribainadika!"
daka

Juyaraavire
Kwazaakegaa'
yovira'daapiyagaa'na
diraginna
yivaimwanna yaka
Paailatimyawinna
baka Jizaazare
kilaakejikina widina
"Gilaayai
walyamarirakima!
Nyimaryaama!"



Sara widina kya' Jozepiyai wawaka
kwaabiyivita saaminya yaake'
mubyawalyaadikei
yisayabanna baka gaminyi
makwalaabaka yaakesi
yewa'mwagapwiyaka
makulaawaka
kavi'ninnyavi
simaangevi


lilividaakunikevi
wilakaka sila naangei
simaangevi tihirakina
ya'.




Yirika dividaa'nyariki, kwazaakegaa'na
yovirawakya'negaa' dividaa'nyariki
Gotiyarina mubithika
yira'divita naangeraji
Periziyaraji
Paailatimyawinna
bi'bwa'nemwaaina.



Bi'bwa'nemwaaina yeva widina
“Maremwaalyaigi! A'mwe
kwaasiya dazai kuna
mwaalakegaa' nedake'
mena yawi'mwo. Dara
dina 'Dividaa'nyi
yirika darikaai dariki
ayina
dikaavideinyira.”



“Sara widina kya' sahwara kaanna
wina yeva gilekavi'ninnyavi dame
daakuna. Sila sari
baavesi wakina,
kaanya tilina yeva saba
dame daaya'neraavi
widimwaaihina ye'.”



Kwazaakegaa' mena kabawo'
wikiyarikine yirika mudikeriki
yirikunyagaa' Maariyaa'
Maahithaala mwaalyasi
Maariyaa pirisi
gilekavi'ninnyabanna
wanganya'newaai
wina. Yithaanyi!
Sagaa' wininya


naange' yina.
Sare' dare'nesi.




Sigunyavidaa'nyi Naangere ejeliyai
walaabina yaka silyai
birikwasamakulaawina yina
yaka silyari a'ba
yilamwaaina.

Gaminyina aawilasara
lika naanga yina
yeva bi'bita yina
yeva a'mwe mena

bainikerabi'
yima'nyina.




Yima'nyina kye' ejeliyai a'mwe
sawaari widina "Kirimi lika
mikanera! Nimi yawi'na
'Jizaazari yisaviri
tamarimuwa'daasarina
birikaanyawaaihi
bivanigila.'"



"Sare'na lika mikanera! Sai dava
mamwaalyika! Sare' dare'nesi.
Kigaa' dakabaaibi' mena
yidikaa'mwakerina!
Gami wa'de adava
bulanganyila!"



Widina kya' sawaai lika yadi' yilaaya kuna
kuna yina yadi' simaangeyaba
yarai yagalya'ma'na yagila gamire
mididivisaraavi wija'newaai
kaanyave'na wina. Kaanyave'na
wina yadaakilyi, yithaanyi,
tusavi Jizaazai sawaaryabanna
yima'nadavaabina yaka
widina




"Nya'mwewaihi!"



"Tewaanya kwaamu'nanyabwi
yihwarana!" Widina kya' sawaai aya
kibanna wilaabina yagila gamire
sivilyaraari limwanna
yagila lotuya wina.





Dividaa'nyi angevi gamirera atiraai yaka sivilyiridaasi
pwaina sarera wapaaya tika nadaapi sahwai wilaabaka
gami mena dikaavakeri pwara tinna wanganeva gamire
pwaraavi widesa' malimwagyesa'naji simunya
myawiryesa'naji maanga widina. Sarevidaa'nyi mi'na
widina yakegaa' Gotiyai Naanga Jizaazari makilaawina.
Sara makilaawina kya' Gotiyareba Sigunyavina
Jizaazai yilaawaka Gotiyare aangasimagi
walamwaaina.



Sare' dare'nesi. Kwaaka
davakiyainaavina Gotiyari kale naanga
kwia' Gotiyai neminyina Gawaalivaanga
gaveri nejaavakelyi. "Gazaizai sahwari
wilimwagaroji myiwawanna! Aawa.
Gaala yuyagaa'nebwi
maarana!" daka
nejaavakelyi.



Romi 3:23 Sare' dare'nesi. Yuya a'mwera Juyaraji ajimya yuyangiyaraji wagilya'nebwi yadivisare. Gotiyai byaanna diraginyasiyaryaba menyaba mwaaihasare.

Romi 6:23 Sare' dare'nesi. Kayaa'nanya' gannya yaasiwa'wawinyaraavi kumire wawinya'ne tivikita wijaavadesi. Tivikita sa' yune naanga balya sahiri'na. Nabaai Gotiyare gaimwanga tewaanya' yange' wijaavina neyadelyi. Sa' gaala yuyagaa' yuyagaa' mwaalya'ne'na. Kiraazitiyai Jizaazai nemire Naangeri wilamwaalajavi gaala daza' nejaavade'nanyi.

Yiviru 9:27 Yi a'mweraavina gave pigaa'na balya'nebwi wari'. Nabaai kabalapiri dividaa'nyi Gotiyai sahwaraavi maryawibwaradevaabi'



Yiviru 9:28 Kiraazitiyai yune gave pigaa'na a'mwe kwalaalyaraavire kayaa'nanyanna makwiya'nei gami sari yira'divisa'bisari Gotiyarina wijaavinakelyi. Nabaai divi pigasaai sahwai bwalyi'mavadelyi. Kiri' sai sagaa' kayaa'nanya marasi'nya'nei ayina baladei mi'. Aawa.

A'mwera "Sahwai walaabana!" dadivi' yemwaaimanigasaraavi nebulya'na yune'na padaihasamaarya'nei ku'maayaba yima'naabathelyi.

Epazaazi 2:8,9 Sare' dare'nesi. Gotiyai sariminyi yange'na tewaanna yihigaimwadevina Kiraazitiyari limwadivisa'na yihivadaihasamaarakeihilyi. Sarimi wawinya yina yadivisa'na yihivadaihasamaarakeihi mi'. Aawa. Sahware sihumalesira. Sare' Gotiyai yawi'na "A'mwe pwai kwai dara nadathika! 'Wawinya diraginna kye Gotiyai nyivadaihasamaarakeinyi. Tewaanyainyi,' yawi'na yaka sahwai yange'na nevadaihasamaarakesi.



Romi 10:9,10 Gimire maangisi ku'maayaba "Jizaazai sai Naangelyi," jalikurakya yija'naji nabaai gimire simunyavi dara limwadiza'naji "Gotiyai sahwari bainikeraayawi ayina yidikaavakelyi," Gotiyai givadaihasamaaradeiginyi. Sare' dare'nesi. Gazaizai gannya simunyasi kalimwagozi Gotiyai "Yida'maraangeigi nimiriginyi gimwaaihiwa," widathelyi. Yi gannya maangisi kajalikurakozi Gotiyai wivadaihasamaaradelyi.

Joni 3:16,17 Sare' dare'nesi. Kwaaka davakiyainaavina Gotiyari kale naanga kwia' Gotiyai neminyina Gawaalivaanga gaveri nejaavakelyi. "Gazaizai sahwari wilimwagarozi myiwawanna! Aawa. Gaala yuyagaa'nebwi maarana!" daka nejaavakelyi. Sare' dare'nanyi. Gotiyai dina "Nyibwaalivaangei a'mweraavi kotiya'na maryawibwaradela!" daka myasaabya'. Aawa. "Nyibwaalivaangeri a'mweraavina padaihasamaata yima!" daka kwaaka davaki yasaabina ya' Gotiyai.



1 Joni 5:11-13 Jalikurakya daresi. Gotiyai yuyagaa' yuyagaa'ne gaalya'nebwi nejaavakesi. Gaalya'ne saburi kaavilya' Gawaalivaangeri wilawiwatika. Sarevidaa'nyi Gawaalivaangei kininnakei gaalya'ne sabwi kininnakelyi. Gotiyare Gawaalivaangei maayai gaalya'ne sabwi maayalyi. Yagaala daza yihithawasiwaabe. Gotiyare Gawaalivaangeri limwadiwisaihi " 'Yuyagaa' yuyagaa'ne gaalya'ne sabwi kininnakeine,' dipika!" dena yihithawasiwaabe.



Matiyui 26-28; Luki 22-24; Joni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Yipma NT (byr) © 2013, Wycliffe Bible Translators, Inc. All
rights reserved.

<https://www.bible.com/ur/bible/994/MAT.1>

©2025 Bible for Children, Inc.

www.M1914.org

www.bibleforchildren.org

